



Attaveqarnermut, Avatangiisinut Aatsitassanullu Naalakkersuisoq
Landsstyremedlem for Infrastruktur, Miljø og Råstoffer

Inatsisartunut ilaasortaq Marie Fleischer
Kalaallit Nunaanni Inatsisartut

Silap Pissusaanut suliassaqarfik

Asasara Inatsisartunut ilaasortaq Marie Fleischer

05.01.2009

Aallarniutigalugu § 36, imm. 1 naapertorlugu Naalakkersuisunut apeqqutit pillugu qutsavigaakkit. Taamaalillunga silap pissusaanut tunngatillugu suliassaqarfimmi gassinik silaannarmik kissatitsisartunik annikillisitsiniarnerup suliniuteqarfigineqarnerata killiffianik nassuiaanissamut periarfissinneqarpunga.

Postboks 909
3900 Nuuk
Oq/tel +299 34 54 00
Fax +299 34 54 10
iap@gh.gl
www.nanoq.gl/iap

Silap pissusaa pillugu suliassaqarfik tamarmi 1. oktober 2008-mi aqutsisoqarfimmut nutaamut nuunneqarpoq, tassalu Silap Pissusaanut Attaveqarnermullu Aqutsisoqarfimmut. Tamanna suliassaqarfiup annertusinera, aammalu nunap iluani nunarsuarlu tamakkerlugu eqqumaffigineqarnerulenera nassuerutigalugu pivoq.

Aqutsisooqatigiinnik suleqatigiissitanillu pioreersunik atorunnaarsitsiniarluni Silap Pissusaanut Attaveqarnermullu Aqutsisoqarfik aalajangerpoq. Tamatumunnga taarsiullugu Danmarkimi Silap Pissusaanut Nukissiuuteqarnermullu Ministeriaqarfimmi siunnersortinik suleqateqarluni gassinik silaannarmik kissatsitsisartunik appartitsiniarluni suliniutissanut missingersuummik suliaqartoqassasoq Silap Pissusaanut Attaveqarnermullu Aqutsisoqarfik aalajangerpoq. Aqutsisooqatigiinnik suleqatigiissitanillu pioreersunik atorunnaarsitsilluni, tassungalu taarsiullugu Silap Pissusaanut Nukissiuuteqarnermullu Ministeriaqarfiup qanittumik suleqatigineqarnerani siunertaasoq tassaavoq, annikillisitsiniarluni suliniutissat inaarsarneqarnissaasa qulakkeerneqarnissaa siunertaralugu isumalluutitik atuinerup aallunneqarnissaa.

Annikillisitsiniarluni suliniuteqarnermi pingaartinneqartoq tassaavoq immikkoortortat suliassaqarfiillu attuumassutillit, soorlu aatsitassarsiornermik, inuussutissarsiutinik ingerlatalinnik, nukissamik pilersuinermik kiisalu assartuinermik suliaqartut suleqataatinneqarnissaat. Tamanna siunnersortit aammalu immikkoortortanit suliassaqarfinnillu attuumassutilinnit aallartitat oqarasuaatikkut ataatsimeeqatigisarnerisigut ingerlanneqarpoq.

Gassit silaannarmik kissatsitsisartut annikillisinniartugit suliniutit pilersaarutit malillugit ingerlapput, taakkulu 2009-mi upernaakkut ataatsimiinnermi saqqummiunneqarnissaat naatsorsuutigineqarpoq. Gassit silaannarmik

kissatsitsisartut annikillisinniarlugit suliniutini Naatsorsueqqissaartarfiup
nukissiornermut kisitsisaatai, 2008-mi novembarimi tamanut ammasumik
saqqummiunneqartut nutaanerpaat tunngavigineqarput.

Ikinngutinersumik inuulluaqqusillunga

Kim Kielsen